



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N

9/29580

<08> 05

2023թ.

**Հայկ Համբարձումի Տեր-Հովհաննիսյանին
Հասցե՝ ք. Երևան, Ավան, Քուչակ թաղամաս,
19 շենք, 20 բնակարան**

Ուղարկում եմ Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում թիվ 8180262074 վարչական ակտն անփոփոխ, իսկ վարչական բոլորքն առանց բավարարման թողնելու մասին որոշումը:

Առդիր՝ «2» թերթ:

**Պեպ,
ոստիկանության գնդապետ՝**

Կատ.՝ Գ. Շաղյան

Ա. Խուդինյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 25.07.2023թ.-ին կայացված թիվ 8180262074 որոշումն անփոփոխ, իսկ վարչական բողոքն առանց բավարարման թողնելու մասին

«01» 09 2023թ.

ք.Երևան

ՀՀ ՆԳՆ ոստիկանության պարեկային ծառայության պետ, ոստիկանության գնդապետ Ա. Խուրդինյանս, վերանայելով Հայկ Համբարձումի Տեր-Հովհաննիսյանի (Այսուհետ՝ դիմող) 02.08.2023թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

19.07.2023թ.-ին՝ ժամը 01:30-ի սահմաններում, Երևան քաղաքի Աբովյան փողոցում «Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 2-րդ մասի «դ» կետով նախատեսված պարտականությունը չկատարելու համար «Վարչական իրավախախտումների վերաբերյալ» ՀՀ օրենքի 124.6-րդ հոդվածի 3-րդ մասի համաձայն, 25.07.2023թ.-ին Երևան քաղաքի գնդի ԵՔԳ ՎՎԻ բաժանմունքի տեսուչ Արմեն Հակոբյանի կողմից կայացվել է թիվ 8180262074 որոշում՝ «Օպել» մակնիշի 71 HT 701 հաշվառման համարանիշի տրանսպորտային միջոցի վարորդ Հայկ Համբարձումի Տեր-Հովհաննիսյանին 25.000 ՀՀ դրամի չափով տուգանելու մասին:

Դիմողը 02.08.2023թ.-ին դիմումով խնդրել է անվավեր ճանաչել ՀՀ ՆԳՆ ոստիկանության պարեկային ծառայության թիվ 8180262074 որոշումը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողը հրավիրվել է պարեկային ծառայության վարչական բողոքների քննության բաժանմունք:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 25.07.2023թ.-ին կայացված 8180262074 որոշումը ենթակա է կատարման հետևյալ պատճառաբանությամբ.

Ուսումնասիրելով 25.07.2023թ.-ին դիմողի նկատմամբ կազմված վարչական իրավախախտման վերաբերյալ արձանագրությունը և զուգակցված թիվ 0810262074 որոշումը՝ պարզ է դառնում, որ դիմողը ընդունում է իր կողմից կատարված իրավախախտման փաստը՝ ՃՏՊ դեպքի վայրը ինքնակամ լքելը և առանց առարկություն ներկայացնելու ստորագրել է կազմված վարչական իրավախախտման վերաբերյալ արձանագրության առարկությունների և բացատրությունների համար նախատեսված դաշտում:

«Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 2-րդ մասի «դ» կետի համաձայն՝ տրանսպորտային միջոցի վարորդը պարտավոր է ճանապարհատրանսպորտային պատահարին առնչություն ունենալու դեպքում անմիջապես կանգնեցնել և (կամ) չտեղաշարժել տրանսպորտային միջոցը, միացնել վթարային լուսային ազդանշանը, տեղադրել «Վթարային կանգառ» ճանաչման նշանը, չտեղաշարժել պատահարի

հետ կապված առարկաները, առկայության դեպքում նաև դիերը, չփոփոխել ճանապարհատրանսպորտային պատահարին առնչություն ունեցող տրանսպորտային միջոցների՝ միմյանց և ճանապարհային ենթակառուցվածքների օբյեկտների նկատմամբ դիրքը, չվնասել և չձևափոխել հետքերը, այնուհետև գործել սույն հոդվածի 4-րդ և 4.1-ին մասերով սահմանված նորմերի պահանջներով: Ծանապարհատրանսպորտային պատահարի վայրում հետվթարային անվտանգությունն ապահովելու նպատակով պետք է միացված լինեն նաև օգնության համար դեպքի վայրին անմիջապես մոտ կանգնեցված տրանսպորտային միջոցների վթարային լուսային ազդանշանները:

«Վարչական իրավախախտումների վերաբերյալ» ՀՀ օրենսգրքի 124.6-րդ հոդվածի 3-րդ մասի համաձայն՝ ճանապարհատրանսպորտային պատահարին առնչություն ունեցող վարորդի կողմից ճանապարհատրանսպորտային պատահարին առնչություն ունեցող վարորդի՝ օրենքով սահմանված պարտականությունները չկատարելը, եթե դա չի պարունակում հանցագործության հատկանիշներ առաջացնում է տուգանքի նշանակում՝ սահմանված նվազագույն աշխատավարձի քսանհինգապատիկի չափով:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:


«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Հաշվի առնելով ՎՀՎՄՕ-ի 63-րդ հոդվածի պահանջը՝ գտնում են, որ վարչական ակտի անվավերության հիմքերը բացակայում են, իսկ դիմումատուի արարքում առկա են ՎԻՎՕ-ի 124.6-րդ հոդվածի 3-րդ մասով նախատեսված իրավախախտման հատկանիշները, ուստի ելնելով վերոգրյալից և ղեկավարվելով ՎԻՎՕ-ի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 25.07.2023թ. կայացված թիվ 8180262074 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գունդ:

Պետր,
ոստիկանության գնդապետ՝



Ա. Խուդինյան